













50.9.
168

РОМ - ЛЕБЕДЕВ

БАХТ

82
761



Ц Е Н Т Р О И З Д А Т О
Москва ☆ 1930

14.

année.

pages.

1907 32,

~~897~~
~~608~~

РОМ-ЛЕБЕДЕВ

Цыг
2-74

ОТДЕЛ
НАЦИОНАЛЬНОЙ ЛИТЕРАТУРЫ

БАХТ

РАССКАЗО

Инт. № 4210

Г.П.Б-ка обяз. экз.
Лнгр. 1930 г.
Акт № 4583

ИЧВ. №

137

ЦЕНТРИЗДАТО
МОСКВА — 1930

Полито
Министерство
Внутренних
Дел
СССР

Главлит № А-57.020

Заказ 2174

Тираж 2.000

Книжная ф-ка ЦИЗ'а Народов СССР, Шлюзовая наб., 10.

БАХТ.

Лэн сыс тринджинэ.

Мотька,—зорало чяво. Дрэ лэстэ сыс бут муршыпэ.

Чювырдла, — дрэ бэрша ром. Учё, шуко. Бэрш адыкэ паньдж палэ псирдым екхэса болгароса тэ чёрэл. Михайёса вхардэ лэс.

Трито: Вануко, Набаро, зорало мануш. Прэ грубо тыкны лэскири мэн, сыс бэшто забарьино балэнса баро шэро.

Муй лэскиро сыс, сыр карахастэ и якха лэстэ сыс тыкнинька, фрэнта и прастанас прэ сарэ строны.

Сарэ трин джиндлэ дрэ наборо форо. Одо форостыр рома кофари нашукир обджянаспэ лэнса.

— Савэ ёнэ рома?—ракирдэ ёнэ. Со ёнэ полэна дрэ грэндэ.

Тимин грэнгэ на джинэн.—Нэ, адыкэ тэ пхэнэс,—мол грай шэл састэ, а ёнэ лэс палэ трин дэша отдэна. Да и о ловэ лэндэ на рикирнапэ дрэ васта. Сыр залыджянапэ адыкэ пропьяна.

Бибахталэ мануша, тэ хасёл лэнги ро шэро!!!
ракирдэ ваш лэнгэ. Тэ джинэспэ лэнса нап-
ты, — хасёса лэнса.

Паладава машкир пэскирэндэ, сарэ трин-
джинэ сыс дрэ баро патыв.

Бутыр сарэндыр Вануко.

— Со и тэракирэс, — ракирнас пэскирэ
рома ваш лэскэ, — баро мануш дрэ пэскиро
рэндэ. Ада савэн на сыс, да и на авэла.

Бари бахт лэскэ дрэ адава рэндэ дьянэ.

Уж на адыкэ Мотыка и Чювырдла кэ ёв
приячнэ.

— Би лэскиро-то ёнэ бут по псирдэ? —
Екх сыр джидо ачьянэ, а вавир хачкирдэ, —
да годы набут.

Шундя Вануко, со ваш лэскэ рома ра-
кинда и шукир лэстэ сыс прэ ди.

Кажно мануш, думиндя ёв, могискирла тэ
затховэл, со-бы бахт тэджял кэ ёв... Треби
тэгалёс, сыр адава тэ кэрэс.

Назабистырдя ёв, сыр бэрш биш палэ,
как, саво инке сыс джидо, присыклякирдя
лэс ко рэндэ. А уж адава ром дро пэс-
киро рэндэ, кралиса сыс. Грэс лавэса лэлэс.
Поджяла кэ грай, камлэс помарла пиро мэн,
со-то пхэнэла про кан и уджяла, а грай пал
лэстэ, сыр джюкэл и прастала. Акэ и сыкля-
кирдя лэс как тэухтылэс мышос, саво урняла,
тэ умарэс ла сувнакунэса, тэрозчинэс лакэ
пэр, да и тэзасывэс одорик сувнакуно. Ада-

лэс мышос тэ вышутькирэс и тэ тховэс дрэ
лылваро.

Како припхэндя лэскэ клочко савоностыр
мулэ дадэстыр тэ отчинэс. А сыр екх
моло адава саваноскиро котэро дья Вану-
коскэ бахт. Сыр-то пхэндлэ прэ лэстэ, со ёв
чёрдя грэс. Закэдынэ лэс и лынэ тэ допучен.

Камнэ Ванукос тэ змарэн дрэ лава, да
шукар ёв зрипирдя вашэ дадэскиро савано,
лыяпэ пало адава котэроро и кринцинэла лэс
дро васта. — Катыр со лыяпэ. — Трашаибэн
прогыя и ёв лыя тэракирэл со лэскэ треби.
Акэ дад-то пригыя лэскэ дро пхарипэ. Адякэ
и отмыкнэ лэс.

Прогыя набут, удыкхья лэс прэ гаса ма-
суно, саво лэс допучья и ракирла:

— Со-ж ту, пшала, крэнцындян, крэнцын-
дян оловэ дрэ васта и ни со мангэ на дыян?—
Нэ, тэрдёв, попэрэса вавир моло, мэ тут на
отмэкава.

Пригыяпэ Ванукоскэ трин састэ масу-
нэскэ тэдэс.

Акэ ада поратыр Вануко раххэла адава
саваноскиро котэр и мышос.

А саво ром на джинэл, со савоно и мышо
оловэ да бахт янэна... Нэ и рэндо пэскиро
треби тэ джинэс, сыр кокоро пэс.

Грасны лэстэ сыс. Кицы буты ёв прэ латэ
тходя. Лыя ла прэ второ куско... вастэндыр
чярадя,.. ракирлас ласа, сыр манушэса... Пал

адава, сыр грасны выбария ёй лэс полэлас и кэрлас ваш лэскэ саро, со ёв за камэл. Уж коли приджялапэ тэ ачявэс кай ла екхджиня, тэрды, сыр бар, и на ушунэса ла. Бида галёлас сыр дайродно. Джяла о Вануко про рэндо, коли якхэстыр на лэла, а закринцынэлапэ про екх штэто, то фэдыр наджя, а джя кхэрэ. А коли прилэла экхатыр штэ-тостыр, то уж нанэ со тэ дарэс,—бахт авэла. И саро ёв джинэл. Выджяла кхэрэстыр, про баро дром дыкхэла, со джяла гаджи, или рапай, или мыца пирдал дром пропрастала, ни карик ёв на джяла и рисёла палэ,—би-бахтало дывэс авэла.

Бут фрэнтима джиндя Вануко дрэ пэскиро рэндо, да саро на пирипхэнэса, никон ромэндыр на угалёлас адыкэ шукар кай и сыр тэлэс грэс.

Ёнэ сыс бэштэ дрэ Ванукоскири штуба. Фэнштры сыс шукар закэрдэ. Прэ скаминд сыс тэрды душлы бравинтаса и трин чярэ. Пашлэ тыкнинька котэра гои и лондэ гра-ставицы.

Дрэ вэнгло, прэ пёстро пэрныца, тихэс сыс бэшты грубо, дрэ бэрша романы чяй,—Ванукоскири ромны. Ёй засывэлас гоно. Ёнэ ракирдэ машкир пэстэ тихэс и напиримарнас екх екхэс.

— Шэл вэрсты амэндыр прогыём прэ грэстэ мэ ромняса мамуй баро гав. Барва-

лэс гадже дживэна. По трин—штар грая лэндэ тэрдэ.—А савэ грая!.. Сыр балвал прастана... о якха лэндыр на змэкэса. Барэ табунэнса прэ рат традэна.

Нэ, ...и поддыкхьём мэ одой ёкх штэтыцо. Бари лошшина, кэ само вэш поджяла. Дрэ адая лошшина ёнэ и ракхэнапэ. Штэто ада-саво, со фэдыдыр и на латхэса. Коли вэшэса тэ заджяе, ангил балвал, то лэ кицы камэс, на ушунэна. Гаджё, саво ракхэла о вэш, мангэ одой пэскиро мануш. Надур одолэ штэ-тостыр дживэла,—кэ само рэка.

Поджяса кэ ёв, грэн лэстэ ачяваса, а би-грэнги́ро пирдал рэка джяса,—тихэс ракирдя Вануко.

Мотька и Чювырдла шундлэ лэс, якха лэндэ расхачинэпэ. Рат прогыя и дрэ фэн-штры промардяпэ о свэто.

— Нэ, со-жэ, треби тэджяе дрэ дром — проракирдя Вануко.

Ёнэ допинэ бравинта и лына тэ скэдэнпэ. Вануко гыятэдэл андрэиноходцос дро логхо урдо. Пирдал паш мардэ саро сыс укэдыно. Гоно, марэса и тхулыннаса нашло про ска-минд. Совари и ошыло укэдынэ дро вавир гоно, саво лыя Мотька. Загыя Вануко...

— Нэ, галёв, саро лыям,—обдыкхьяпэ ёв.

Треби и тэджяе.—Нэ, ромалэ, дэвлэса, пхэндя ёв.

Сарэ набут прибэшнэ, уштнэ, кэрдэ прэ пэстэ трушыл, уридэ стады и выгынештубатыр.

Про кхэр за дыно андрэ дрэ урдо, кхэля гэрэнса, зорало, резво грай.

Мотька и Чювырдла бэшнэ пиро пашварэ урдо. Вануко лья дрэ васта чюпны и ухтя дрэ урдо. Ромны отпхандя барэ порты.

Грай лья штэтостыр, вылыджия про дром и, сыр чирикло, лыджия логхо урдэн, ачя-вэлас пал пэстэ змарды пхув.

— Дыхх, сыр лья, на урикирэса,—пошар-дяпэ Вануко.

— Бахт авэла, подуминдлэ сарэ трин и сыр-то шукир ачья лэндэ прэ ило.

* * *

Ужакирдэ рат. Подрикирлас вастэнса шэро—Чювырдла сыс пашло кэ яг и ракирдя: глухо глос хасёлас дрэ расчиды тишыма фэлда, пасиндой про ди кэ костро, шундлэ Вануко и Мотька.

— Заухтылдам грэн и тэурняс!.. удыкхнэ амэн гадже и мэкнэпэ пал амэндэ мануша дэш... Дыямпэ амэ пирдал фэлда ко вэш, сарэндэ дрэ годы: сыр-бы сыгэдыр дро вэш тэзаджяс, а одой коли на грэнца, то хоть кокорэнгэ тэгараваэспэ. Михаё адава грая про трин ангил мандэ гыя. На прогьям ёнке и

паш дром, сыр вдруг лэскиро грасторо прэ со-то попя со сарэс лэс и притасадя Гаджя сыр удыхнэ адава, так ёнэ сыр рува зарундлэ радатыр и сарэ екхатыр кэ ёв чюр-дынэпэ. Притрадыём мэ ко вэш, устём пал дэмбо, дыкхава, припынэ ёнэ сарэ прэ лэстэ—екх пхув урняла. Дыкхава—хасин лэскэ прыгья. Лыём мэ дрэ страна, да тэуджяс

— А пирдал-со?—пиримардя лэс Вануко, паладава со грэнгэ бари воля дэна николи напы зэн вастэндыр тэвымэкэс. Мандэ грай зоралэс прэ зэн рикирланэ, коли и змарланэ то напэрла.

* *
*

Надур лэндыр обрывостыр тхадэлэс паны и пэрлас по набутка дро омуто, ёй шоля дья, сыр чяворэскири башады. Газдыяпэ тыкнинько балвалори.

Тихэс подгья эрат. Пиро дохачино костро запрастандынэ зэлынэ чяборья.

— Нэ, со-жэ?!—дэяпэ Вануко.

— Гыям, отхардяпэ Мотька и уридя гоно пэскэ прэ думо.

— Нэ дэвлэса,—пхэндлэ сарэ тринджинэ и гынэ.

Пирдал паш мардо, ёнэ сыс ужэ ко бро-до рэка.

Пиригынэ прэ вавир страна и гынэ маш-кир вэш.

— Дур тэджяс?—пучья Мотька.

— На, штар—панджь вэрсты. Акэ ласа дрэ стро́на, адай и жэ ко штэ́то на дур, пхэндя Мотькаскэ Вануко.

Ёнэ загынэ прэ наборо дроморо. Баро вэш сарэ стронэндыр закэрдя лэн. Прэ болыбэ тихэс хачёна́с чергэ́ня. Кхандэлас вэшэ́са.

— Баро табуно прэ рат традэ́на?—пучья Чювырдла.

— Шов дэ́ша шэ́рэ авэ́ла. Штэ́то лачё́, жэ ко само вэш ра́кхэнапэ́. Подтрады́ян кэ́ вэш и бэш сыр прэ пэскирэ грэ́стэ,—прораки́рдя Вануко.

— А ра́кхэна́ бут ману́ша?—пучья Мотька.

Дрэ одова́ моло, сыр мэ вы́дыххьём тринджинэ́ сыс прэ стрэ́га и дуй джюкэ́ла лэ́нса.

Акэ шука́р балва́л прэ амэ́ндэ пхурдэ́ла. Джюкэ́ла на усунгэ́на и нанэ́ шундло́ палэ́ балва́л.

Приджя́ла амэ́нгэ вэшэ́са тэ́ джя́с, а то́ тэ́ на явэ́л би́да га́дже уды́кхэна́, ухты́лна, цы́ша амэ́ндыр э́риски́рна.

Ёнэ згы́нэ дро́морэ́стыр дро́ вэш и тихэ́с лы́нэ тэ́ прокэ́дэ́ннэ машки́р брэ́зы.

Балва́л ба́рия. Вэш зару́ндя, сыр-бы́ хо́ля-со́лас, со́ лэ́с джа́нгава́ла балва́л.

— Нэ́, ромалэ́, тэ́рдэ́вэн,—пхэндя Ва́нуко.

Ангил, машки́р брэ́зы сы́кадя́пэ на́баро свэ́то.

Ваш хасёлас. Пирдал лэстэ бария тык-
нинько вэшэро.

Вануко бандия и тихэс роскэрдя о кусты...
Хасиям дро калыпэ...

Мотька Чювырдласа систэрдэ и выпурадэ
якхэнса вдыкхнэпэ дро штэто, карик ёв
хасия.

Пирдал набут сыкадяпэ Вануко и кхардя
лэн вастэнса. Мотька и Чювырдла тихэс под-
гынэ кэ ёв и сарэ тринджинэ ёнэ запасинэ
пашо вэш.

Надур пирдал лэндэ, ёнэ удыкхнэ баро
костро.

Балвал подухтыллаас тыкнэ вангарорэ и
улыджялас лэн дрэ калыпэ.

Кэ костро бэштэ дуйджинэ, а машкир
лэндэ сыс пашло баро джюкэл.

— Дыкх, гадже дуйджинэ... бутыр ни ко-
нэс нанэ, тихэс пхэндя Чювырдла.

— А кай грая?—со-то лэн на роздыкхэса.

— Адай ёнэ, пхэндя Вануко,—шунэса!!!

Ёнэ пришундлэпэ — Хруп-хруп... долыд-
жияпэ кэ ёнэ стронатыр. Екхэ грэстэ мулынэ
пэнтэ.

— Акэ ёнэ, сыг пхэндя Мотька.

— Кай?

— Дыкх одорик, сыкадя вастэса Чювырд-
ласкэ Мотька.

Дрэ строна лэндыр сыкадяпэ парно грай,
а пашыл лэстэ псирдэ ваврэ грая.

— Чячѐ, чячѐ, сыр лэн бут,—тихѐс, сыр-бы дарѐлас тѐстрашавѐл лѐн, пхѐндя Чювырдла.

— Цыц!..—подлыя васт Вануко.

Чювырдла Мотькаса замынѐ. Надур лѐндыр роздыяпѐ грѐскиро лопотыма. Ёнѐ обдыкхнѐпѐ и удыкхнѐ сыр подбандѐнас гѐра... пасия учѐ кало грай...

Тринскирибѐ прогыя пиро думо Вану-костѐ.

— Нѐ, адава амаро, тихѐс ракирдя ѐв.—Дѐка мангѐ совари. Мотька подыя лѐскѐ.

— Микола, дѐвѐл-дад, кѐрдя Вануко трушыл прѐ пѐстѐ, устя и бигапѐскиро подгыя кѐ грай.

Ав сыг уридыя прѐ лѐстѐ совари и припхѐндя лѐс дро вѐш, кѐ брѐза.

— Нѐ, со авѐла дурыдыр, а екхѐс грѐс логкхѐс лыям, пхѐндя Вануко ромѐнгѐ.—Лѐнте пѐ совари и джянте, сыкадыя ѐв шѐрѐса дро стропа, кай сыс грая. Дро васт лѐстѐ сыс карадын.

Локхѐс чѐрдо грай придыя лѐнгѐ муршыпѐ. Якха, присыклынѐ ко калыпѐ, шукир роздыкхнѐ дур ангил пѐстѐ.

— Тѐрдѐвѐнте!.. со адава сы,—сыкадыя ангил вастѐса Чювырдла.

Надур лѐндыр сыс дыкхно саво-то калыпѐ.

Ёнѐ припасинѐ и придыкхнѐпѐ.

— Грая тѐрдѐ,—пхѐндя Чювырдла.

— Аи, дуй екхатыр, подпхэндя Вануко, а
кокрбо вдыххэласпэ дрэ рат.

— Акэ адава шукир. Дурыдыр амэнгэ и тэд-
жас нанэ палсо, пхэндя ёв и лыя вастэндыр
Мотькастыр совари. Мотька сдыххья про
костро. Ёв адыкэ-же хачёлас барэ ягаса, нэ
джюклэс и екхэ гаджес на сыс кэ костро.
Мотька пхэндя лэнгэ ваш адава.

— Треби сыгэдыр, пхэндя Чювырдла и
ухтылдяпэ палэ тэрах, дрэ сави сыс пашлы
чюри.

Сыго гынэ ёнэ кэ грая. О грая удыкхнэ
лэн и лынэ тэ отджян дрэ стро́на. Вануко
запрастандыа ангил и традыа лэн кэ вэш.
Мотька Чювырдласа ваврэ стронатыр на дынэ
грэнгэ тэ прастан палэ.

Акэ и вэшэро. Дрэ дурипэ пошундяпэ
джюклано глос.

Лэс сыс шундло уса миштэс и миштэс.

— Сыгыдыр!!!—припхэндя Вануко.

Якхатыр росчиндлэ пэнтэ и уридэ со-
вари.

— Лыджя кэ одова грай, пхэндя Вануко
Мотькаскэ и прастандыа тэподкэр Чювырд-
ласкэ.

Мотька потырдыа палэ совари грэс. Грай
сыр палэ хуластэ гыя пал лэстэ. Акэ и грай,
савэс припхэндя Вануко. Мотька отпхэндя
лэс, лыя дуен грэн, вылыджия лэн вэшэстыр
и пришундяпэ.

Тэлэ сые шундло джюкланы и конэскири-то трашаны глос.

Галэса роздынэпэ кусты, подирастандыя кэ Мотька Вануко и ухтя прэ грэстэ.

— Бэш сыгыдыр,---задыя годла ёв Мотькаскэ.

Уклисто сыкадяпэ Чювырдла. Ёнэ выгынэ кэ дром и пролыджинэпэ пашыл вэш. Прэ дром вычюрдыяпэ баро, кало джюкэл. Вануко чюрдыя лэскэ мас. Нэ джюкэл надыхья прэ лэстэ, подурнялас пашыл грэстэ. Ёв камья тэ ухтылэл лэс палэ муй.

Мотька подлыя баро кашт и сарэ зорьятыр дэя лэса пиро шэро джюклэскэ.

Ройбнаса покатындяпэ ёв дромэстыр. Палал пошундяпэ грэскиро лопотыма.

— Тэрдёвэнте!.. Умаравал!.. долыджияпэ дурипнастыр холямы глос.

Вануко вылыя карадын и обдыкхьяпэ.

— Пал мандэ, — припхэндя ёв Чювырдласкэ Мотькаскэ и дыя гэраса пиро пашваро грэс.

Грай рискирдяпэ и полыджия. Лэнгэ треби сыс, соб тэ нароздыкхэн лэн гадже дрэ наборо дроморо, пиро саво ёнэ авнэ одорик.

Прогыя мэнта и Вануко зрикирдя грэс, сгыя дрэ стропа.

Палал гадже дынэ карадынятыр и гай раскатындяпэ пиро вэш. Тасавэнас екх екхэс — ёнэ сгынэ дрэ просека и сыр балвал полыд-

жинэпэ ниро латэ. Ковлы пхув счёрлас грэн-гиро прастибэн, Чювырдла прибандия кэ мэн грэскэ и адыкэ лыджияпэ. Надур лэстыр лыджияпэ Мотькаскиро грай. Вануко гыя палал лэндэ. Зоралэс вычюрдэлэс гэра,—лыджия лэс грай. Дрэ якха палэ прастандынэ брэзы.

Кай-то дур дрэ страна роздыяпэ вавир моло карадынятыр.

Дро вавир страна гадже гынэ,—подуминдя Вануко и якхатыр логххэс ачъя лэстэ прэ ди.

Ёв подкэдыя поводья и подтрадыя грэс. Набут прогыя и грай миштэс лыя тэзакэдэл дрэ страна.

— Нэ акана надур ачьяпэ, догалыя Вануко,—бутыр пашэстыр дром прогыям.

Пирдал лэстэ, про дром запарныя со-то джидо.

— Сыр-бы тэрдо,—подуминдя ёв и пригаздыяпэ прэ грэстэ и лыя тэвдыкхэлпэ.

Якхатыр, пирдал лэскирэ якха выбария со-то кало. Зорало дукханэс обхачкирдя лэскэ шэро, сыр бы расхачкирдо састэр вмардэ дро чекат.—Вануко задья годлы. Лоло болыбэн гыя пирдал якха. Шэро пхария и напод-дэлэспэ лэскэ.

Нэ адай-же дукх лыя тэхасёл, якха мурдынэ и лэскэ ачъя логкхэс.

Ачьяпэ екхджино грай,—пропрастандыя набут и тэрдья. Ёв пришундяпэ кэ прастибэн ваврэ грэн и тихэс гыя дро вэш. Эрат

лыя тэ проджял... Акэ и вэш хасия. Набаро поворото и грай саро кхамло вылыджия Чювырдлас про брэго рэка. Миштэс зрикирлас грэс. Чювырдла тэрдья.

Вэшэстыр долыджияпэ грэскиро простабэн.

Чювырдла обрисияпэ муеса кэ вэш и замыа дро ужакирибэ.

Прэ брэго выурняндья Мотька, прэ набаро зорало грасторэстэ. Ёв обдыкхьяпэ дрэ сарэ строны, удыкхья Чювырдлас и мэкьяпэ грэса кэ ёв.

— А кай Вануко?—пучья Чювырдла.

Поатачья набут, сыг авэла. Можо грай лэскэ попяпэ на лачё.

— Ту кай лэс дыкхьян?

— Палэ, надур мандыр ёв джялас прэ грэстэ.

— Нэ тэрдёв, пошунаса.

Вэшытко гай надья тэшунэл. Закхинэ грай тэрдынэ кэ паны.

— Нанэ нисо шундло, холяса пхэндя Чювырдла и сгыя грэстыр. Загыя набут прэ дроморо ёв, притходьяпэ канэса кэ пхув и пришундяпэ.

— Нанэ... Адахтыр ни кон наджяла, пхэндя ёв.

— Чячё со-то кэрдьяпэ. Треби тэджяс тэподыкхэс.

Адатхыр надур. Са екх адай тэпириджяс пирдал рэка нашты, гадже удыкхэна. Прид-

жяла вэшэса тэтрадэс, а одой кай нибұдь
приджяса.

Ёнэ отлыджинэ грэн дро прикэрдо кус-
тэнса штэто припхандлэ машкир брэзы.

Сыгэс гынэ ёнэ ко штэто, кай Мотька
дыкхья Ванукос.

Соса ёнэ дурыдыр заджянас дро вэш, ило
лэнгиро лья тэдукхал.

Дром закрынциндёлас дрэ стропа и хасё-
лас палэ брэзы.

— Дыхх,—сыкадя ангил Чювырдла и пра-
стандыя.

Дроморэса, кэ бари брэза, со-то сые
пашло.

— Адава ёв,—угалыя дёса Мотька и ухтыл-
до трашаибнаса, чюрдыяпэ ангил.

Вануко сые пашло про думо. Дро васт
затэрдьяпэ поводо и зоралэс стасадя му-
лэскиро васт.

Дрэ чекат сые кашторо брэзатыр. Муй
сые парно, якха закэрдэ.

Пиро парно кашторо ангрустенса сгыя
рат и тыкнэ струйкаса тхадэлас пиро
муй.

Лэскиро шэро нашло сые дрэ рат.

— Акэ тукэ и Вануко, кэрдя трушыл
прэ пэстэ, проракирдя Чювырдла.

— Розмардяпэ,—гондя дья Мотька, сы-
кавэлэс про баро кашторо, саво сые отпхагирдо
барэ брэзатыр.

Мостостыр, ниро рэка долыджинэпэ ману-
шэнгирэ глоса.

Чювырдла саро выпарныя и здыкхья дрэ
строна кэ рэка.

— Нэ авэн, а то ухтылна, так и амэн
туса учювэна прэ штэто. Нэ вылэ ромэстыр
кисыкатыр, со лэстэ одой исы, треби тэ пи-
ридэс эромнякэ. Мотька сыго бандия кэ муло
Вануко, вылыя лэстэ кисыкатыр мэлало ки-
сето, трубкаса и кошэлько. Кошэлькостыр вы-
пыя тыкнинько, мэлало вэнзлоро. Чювырдла
газдыя лэс и роскэрдя.

Дро мэлало вэнзлоро сыс пашлы вышут-
кирды летучё мышь.

— Бахт!.. Холяса думиндя Чювырдла.
Акэ тука и бахт, лыджия а на вылыджия...
джиндя шукар а мэя джюкланэс. Кокоро пэс
утходя.

— Гыям, гыям,—заторопиндя лэс Мотька.

Чювырдла покрэнцындя мышос дро васта,
вылыя латыр сувнакуно, а шуко котэр вы-
чюрдыя дрэ чяр.

Сарэ дуй танго подыкхнэ прэ Ванукостэ
и гынэ кэ грая.

Вэшэстыр сыкадяпэ грэскиро шэро. Прэ
муй лэстэ сыс рискирдо совари. Грай газдыя
кана, подыкхья прэ Ванукостэ, выгыя прэ
дром и тихэс гыя дро вавир строна.



ЦЕНТРИЗДАТО МАНУШЕН СССР

ВЫМЭКЪЯ СЛЕДУШША РОМАНЭ КНИГИ:

1. Романо букварё ваш'э насыкля кирдэ „Нэво дром“. Н. Панковонэскиро и Дударовонакири.
2. „Романы Зоря“ журналло 1 и 2 №
3. Нэво Гав. А. Тарановокэскиро.
4. Кэ буты и джинаибэн. Н. Панковонэскиро.
5. Пало власть Совэтэн. Н. Дударовонэскиро.
6. Нэво джиибэн. А. Герман.
7. Соса население помошкирла Лолянэ армиякэ номи авэла марибэ. Пирылы джия Лебедево.
8. Бахт (ракирибэн). Ром. Лебедевонэскиро.


СЫГ ВЫДЖЯНА:

9. Кхам дрэ блата. Г. Лебедевонэскиро.

ТЭ ВЫЧИНЭС АДАЛЭ КНИГИ МОЖНО:

— ЦЕНТРИЗДАТ —

Москва, Никольская, 10, Торгсектор.



President of the
College of Arts
and Sciences
University of
California, Los Angeles

18358

Тимин 20 гаспоря

Цена 20 коп.

х.


Н Цыг.
2-44




На цыганском яз.

РОМ-ЛЕБЕДЕВ — СЧАСТЬЕ

ЦЕНТРАЛЬНОЕ ИЗДАТЕЛЬСТВО НАРОДОВ СССР.
Москва, центр, Никольская, 10







	Лыг.
	2-74